



NUPTIÆ PELEI ET THETIDOS RENOVATÆ.

Facit est

AUSPICATISSIMUM

LEOPOLDI I ROMANOR. IMPERAT. SEMP. AUG.

HUNGARIÆ BOHEMIÆ etc. REGIS. ARCHIDUC. AUSTRIÆ. DUCIS BURGUNDIÆ etc.

et

SERENISSIMÆ

ELEONORÆ MAGDALENÆ THERESIÆ

NATÆ COMIT. PALATIN. RHENI. DUC. BAVARIÆ IULIÆ CLIVIÆ MONTIUM etc.

CONNUBIUM

symbolicis DECORUM numeribus honoratum

à tribus SOCIET. IESU Collegijs, Dysseldorpiens. Marcoburano, et Monasteriens. Eifflia, itemq. Residentiâ Iuliacens. et mission.

anno quo

LEOPOLDVS SECVNDVS A SPICILLIS ET PRÆLIS RECEPTVS À GALLIS PHILIPPO LIII.

AD MERCURIUM.

ut ad novas

PELEI & THETIDOS

NUPTIAS,

reliquos Deos convocat.

PeleDe nate Deâ, sVperIs asVete beatIs
nVnt la pernCI ferre, referre graDV;
hVC age: neCte CItVS CcLerI taLarIa pLantæ,
et CapItI pennas protInVS aDDe tVo.
at CaVe, ne tortVS CIngat tIbI sCeptra Ceraftes:
MyrtVS & ILLIVs sIt, rosa grata, LoCo.
MVtentVr CyprIo fLItantIa baLthea Cesto:
et Vlbret aCCensas Lata sInIstra faCes.
neC regeæ roga, CyprIs CcLestIa signIs
CVr te teLa VeLIM Vertere: CaVla patet,
sCILICet MaCIdes renoVat ConnVbIa reLeVs,
aC sIbI præsentes postVLat esse Deos.
InDe petIt, qVo se nVper DIgnatVS honore es;
nVnC sIbI ne, roseâ PeleDe nate, neges.
ergo age, ne VeterIs VILesCat gratIa faCtI;
I preCor, aC DIVos aD saCra festa VoCa.
aspICe: IaM festIs ornata tapetIbVS aVLa,
et noVa stat sponsIs sponDa parata noVIs.
IaM rhetIs aD notI properat paLLatIa sponsI,
eXoptans faVstas Lata sVbIre fores.
aspIrat parIter VenIentIs aD osCVLa sponsVS:
non patItVr pIgras res (age perge) Moras.
perge per IDæas, qVas IVpIter obtInet, arCes,
perge per IDaLIæ rVra sVperba Deæ.
perge per oDryas, VbI regnat MarsIpIter, oras;
et per IVnonIs pVnICa regna VoLa.
per Latos CynthI CoLLes, VbI DeLIVs VsqVe
CastalIas Inter pergit apoLLO Deas.
per BaCChI thebas, per DeLIa rVra DIana,
CeCropIasqVe Vrbes, sICanIosqVe foCos:
atqVe IbI regnantes ora per sIDera DIVos;
aD saCra non segnes festa VenIre VeLInt.
InsVper apta ferant pro tantIs MVnera sponsIs:
qVes CeLebrent faVstI fœDera grata thori,
et sI forte rogent, In qVâ regIone VeL Vrbe
Magna rhetIs sponso sIt soCIanDa sVo?
DanVbIVs resLVIs qVâ Latè eXastVat VnDIIs;
DIVaqVe rassaVlos VIrgo tVetVr agros:
hIC rhetIs & reLeVs, DICes, ConnVbIa speCtant:
hVC parIter LatI, sI Libet, Ite DI.
hæC fatVS, tenerâ Labens per InanIa pennâ,
aD nos, VnDe VenIs, DIstIge pronVS Iter.
sponsVS, VbI sVperos, & te VenIsse notabIt;
præMia ConstantI Digna Labore feret.
MoX tenerante tVas VItVLVs IVgVLabItVr aras,
InqVe tVos VenIent Vna, DapésqVe rogos,
IpSa rhetIs parIter nIVeo CarChesIa LaCte,
fœtâqVe fLaVentI poCVLa MeLLe feret.



Quid fabula; nili personata Veritas?
 Quam Veritati larvam poësis addidit; detrahit tempus;
 vides NUPTIAS
 Fictas PELLÆ — THETIDOS; veras LEOPOLDI & ELEONORÆ;
 illas Deorum; has donorum omnium
 congratulatione fortunatas.

In utrisque
 PARIDIS & CÆSARIS

subiectum iudicio pomum

Illic ut pulchritudinis præmium; hîc ut Imperii Romani symbolum.
 Prenfabant illud discordes Divæ; hoc diversæ Europæ Heroïdes:
 Exclamat illic Deorum nuncius; hîc boni publici Præfès Angelus
 DETUR PULCHERRIMÆ, DIGNISSIMÆ.

Audit PARIS; audit & CÆSAR:

Aberrat PARIS amator formæ; non aberrat CÆSAR virtutis æstimator,
 Dum ille Veneri pulchritudinis præmium; hic ELEONORÆ dat Imperii symbolum.
 Nimirum idem in hoc Dei & Cæsaris iudicium est.

Deus Eleonoræ Magdal. Theres. festâ SS. Trium Regum luce in lucem protulit,
 & portendit Regnum.

LEOPOLDUS Eleonoræ Magd. Theresiam festâ S. Theresia luce sponsam pronunciat,
 & defert Regnum:

imò non unum Regnum; sed tot Regna;

Quot in *Clivensæ* Paterni clypei rotâ spectantur sceptrâ, regnorum argumenta.

Factum bene: Nam

Si Regna debentur sanguini; Cognata, est: si scientia; Pallas est:

Si pulchritudini; Nympha est: si fortitudini; Amazon est:

Si humanitati; Gratiarum quarta est.

Quot in eâ quis membra numerat; tot digna conspicit Imperio ornamenta.
 Itaque quantum Paridis factum improbant; tantum Cæsaris iudicium dilaudant

Suthmi, Infimi, Medioximi.

Quorum id unum omnium votum est

Vt æterni VM VIVant Leopoldvs & Eleonora.

LEOPOLDUS ELEONORAM

monstrante Cælo

THRONI & THORI

Sociam eligit.

Regnare Divos credite : siderum
Non absque certâ lege volubiles
Torquentur orbes : nec per omnem
Sola rotat furiale sceptrum
Fortuna mundum. Namque ubi regios
Fortuna fasces dividit impotens;
Plerumque terrarum capeffit
Impietas furiosa freenum.
At nunc feroci jura libidini
Iræque leges scribere pertinax
Virtus triumphat; & superbo
Diva sedet pietas curuli.
Vides, ut almæ filia Julia
Sublimis alto confidet effedo,
Hunnósque Germanósque latè
Imperio moderata fines?
Talis profundo surgit ab æquore
Post longa noctis tædia Cynthius;
Gratósque per mundum serenâ
Fronte procul jaculatur ignes.
Agnosco Numen, Conciliantium
Numen Deorum: quæ patrios diu
Secreta servabat penates,
Cœlitum statuente cœtu
Ad alta virtus tollitur; omnium
Ut inde in usus pulchrius ardeat,
Et luce Germanum deinceps
Exhilaret meliorem mundum.

Te Numen intus scilicet altius
Cæsar, movebat; cùm thalami decus,
Regnique divisum dedisti
Julicæ, Leopoldæ, Nymphæ.
Qui nempe magni Thariadæ genus
Longinqua vastæ regna Medamnidos
Lustrare, formosamque jussit
Inde suo thalamo *Rebeccam*
Inferre quondam: Qui Raguelidos
Ambire tædas edocuit pii
Prolem Tobiz: qui decoram
Isaciden voluit laboris
Durâ pacisci sorte Nachoridem;
Hic, cùm moveres Virgineas prece
Constanter aras; sume, dixit,
Juliacam, Leopoldæ, Nympham.
Ut nempe scires, Hanc Alemannidum
Ad sceptrâ natam; quæ prior aureis
Aspexit in cunis jacentem;
Lux triplici radiata Regum
Fuit coronâ. Convenit ætheri,
Tibique Cæsar: Quod placido polus
Nutu spondit; Tu serenâ
Stare iubeas ~~Indem~~ *Indem* fronte;
Petire Regnum non poteris, Deo
Quodcunque curâ est: nec sterilis diu
Thoros relinqui; conjugales
Cûi superi statuere tædas.

VOTUM

SOCIETATIS JESU

*Pro salute & incolumitate Augustissimorum
Conjugum.*

ô pater, æthereæ rector fortissimè gentis,
penet ab arbitrio Vltæ, salvsqve tVo.
eccē palatino Cæsar sccendit vrigne;
avstrlacôqve nltet tertla tæda thoro.
Da, vivant, vigeantqve tVo svb nvmine sponsi;
ex nvtv nVper qvi Colere tVo.
In tVa ivratæ, lesV ple, noMina tVrbæ
ID te non falso peCtore & ore rogant,



ODOR HOMINIS, VIRTUS est.

Hæc flore quovis & fragrat dulcius, & latius spirat.

*Odor floris trahit apes; odor virtutis allicit corda,
quantò suavius, tantò potentiùs.*

Nimirum virtutis vis magnetica est.

Trahit & trahitur;

Sed non, nisi ubi virtutum similitudo peperit sympathiam.

Exempla quæris?

habes **LEOPOLDUM & ELEONORAM**

quàm sexu dispares; tam similes virtute.

Austriacus LEOPOLDO sanguis est; ELEONORÆ Austriaco-Palatinus:

Ex iisdem Majoribus per Fridericum, Maximilianum, Philippum & Ferdinandum traxere originem;

ab iisdem Majoribus hereditarè virtutem.

Hinc utriusque si spectes facundiam; sunt Suadæ corcula:

si attendas scientiam; sunt Musarum deliciae:

si prudentiam confideres; sunt ævi sui oracula;

si virtutem perpendas; sunt sanctitatis exempla.

omnia in utroque paria, omnia summa.

Quid ergo mirum, in mutuos amores trahi Augustorum corda,

ubi amoris facem prætulit virtutis similitudo?

Nimirum quod inter gemmas Pantarbes; hoc inter homines agunt

LEOPOLDUS & ELEONORA.

Pantarbes aurum trahit; illi auro virtutum spectata amantium corda,

LEOPOLDUS ELEONORÆ & ELEONORA LEOPOLDI:

utèrque nil vile trahit.

Amor profectò illorum nec cæcus est; quia utitur iudicio:

nec alatus; quia fertur consilio:

Iudicio, dum cautè seligit: consilio, dum maturè perpendit.

Hinc esse credo, quod non prodiit, nisi in Autumno,

quando omnia sunt matura.

Maturent superi dulces amoris fructus,

qVos ex se promittunt Leopoldus & Eleonora.

LEOPOLDI & ELEONORÆ AUGUSTISSIMORUM CONJUGUM

*Efficaci ad omne virtutum genus exemplo
felix Imperium.*

Frustra severas scribis adultero
Seleuce leges; si temeraria
Libido te victum propinqui
Jura docet violare lecti.
Plus lege semper publica Principum
Exempla possunt. Dum patrias piæ
Donisq̃ue victimisq̃ue Princeps
Jesiades cumulabat aras:
Exempla Regis mox popularium
Traxere turbas; & penetralia
Plerumq̃ue Divorum calebant
Thure sacras animante flammæ.
At cùm Tonantis sacra nefario
Vecors Manasses proruit impetu;
Ubique neglecti profanis
Isacidis jacuere Divi.
Quò nempe Reges prætulert pedem;
Vulgus sequetur; Non Erymanthidos
Sic astra magnes; non micantem
Sic sequitur vaga luna Phœbum;
Ut turba Reges. Heu! superis prius
Dilecta tellus Anglia, quò ruis?
Dum Regis exemplo paternas
Nil refugis temerare leges.
Effrænis illic sustulit Hæresis
Vexilla; victrix nuper ubi Fides
Latè subhastatis trecentos
De vitis retulit triumphos.
Hoc Regis error præstitit unicus!
O fata regni dura! sub impio
Quodcunque Rege est; ô beatam!
Si qua pios habet ora Reges.

Te, crede, dextrò lumine blandior
Aspexit æther, gens Alemannidum;
Dum Sceptra *Cæsar Magdalena*
Teutonici moderanda secum
Concessit orbis. Nam socialibus
Dum Cæsar illinc, hinc Neoburgici
Germen Palatinum Dynastæ,
Sceptra regent Alemanna dextris:
Nec te barathri trux Acherontici
Pestis nefandis seditionibus;
Nec Martis armati eruento
Impietas quatiet flagello.
Dum nempe Virtus & Pietas thronum
Augusta servat; turbidus exulat
Furor, triumphatumq̃ue perdit
Impietas furiata regnum.
Jam tum, propinquos Fama per Hungaros
Dum pacta narrat connubialia;
Vidi Genevensem tremienti
Hæresin extimuisse vultu.
Tunc ad cœntram Tisiphonem quoque
Pavente dixit voce Rebellio:
Linquamus orbem; patriasq̃ue
Heus sociæ; repetamus umbras;
Jam Pax, & albis vesta curulibus
Cum Pace Virtus tendit ab æthere:
Jam missa de cœlo jacentes
Prisca fides renovabit aras:
Linquamus orbem. Sic manibus jubent
In sancta nexis foedera Cæsares,
Virtute jurati magistrâ
Sancta tribus dare jura regnis.

VOTUM IMPERII

Pro incolumitate Augustissimorum Conjugum.

VIVat, Io! Cæsar: VIVat CVM Cæsare ConIVX:

VIVat teVtonICo CarVs Vterq̃Ve throno.

stablT, & æternos teVto fLorebIt In annos,

DoneC In aMbobVs Vita sVperstes erIt.

qVæ pletas & sanCta fIDes DefenDerIt; Ista

non VI, non teLo regna perIre qVeVnt.

sponsI nota fIDes, pletas notIssIMA sponsæ est:

hIs nlhl AVsonIVs sanCtIVs orbls habet.

beLLa serant tVrCI, CrVDeLLa beLLa rebelLes:

serVat ab hIs pletas CæsarIs, atq̃Ve fIDes.



Cithara myrto coronata
 fortunati conjugii symbolum est.
 Quod in Citharâ chordæ; hoc in conjugio sunt corda:
 conspirantes chordæ suavem generant concentum;
 conspirantia corda quovis concentu gratiorem consensum.
 ex junctis chordis, & cordibus
 amabilis oritur harmonia: id est

Concors sonorum & animorum discordia.

Cithara curarum solamen est, & ægritudinis remedium;
 curis quoque & ægritudini medetur conjugium:
 hæc curas cantando discutit; illud dividendo dispellit;
 Dum alter alterius onera sustinens, curarum pondere levat confortem.
 Cithara Amphionis, si Flacco fides est, urbem Thebanam condidit;
 sacer conjugii usus urbes, & orbem civibus & Rectoribus implevit.
 Laudibus Divorum subservit cithara; subservit & conjugium;
 illa Divorum laudes insonat; hoc laudatores producit.

Quid multa?

In conjugio citharam, in citharâ habemus conjugium.
 Citharam hanc vobis, *Augusti* conjuges, Apollo consecrat
 Musarum præses & musicæ,
 Musarum, & musices amantibus:
 Quæ, ut dignior esset vestris manibus, Davidicis est olim manibus consecrata.
 Erit illa vestri, non modò conjugii; sed & typus Imperii;
 Non citharæ chordas, sed populorum corda
 in amabilem componentis pacis concordiam.
 Accipite igitur dicatam vobis, *Augusti*, citharam:
 habetis in illâ concordie tesseram, curarum medicinam, regendi magistram:
 habetis denique, si vultis, etiam virtutum vestrarum laudatricem.

Vos, dum in illâ fides & chordas aspiciatis,
 subditarum vobis gentium, in iis fidem & corda agnoscite:
 quibus in unum conspirantes
 annos perpetuos ex anIMO VoVent Leopoldo & Leonoræ.

APOLLO

A P O L L O & M U S Æ

AUGUSTORUM CONJUGUM

laudes concinunt.

Eja sacra gens, Camœnæ;
Seu perennis Hippocrene,
Seu paterni vena fontis,
Seu bicornis terga montis,
Sive Cynthi, sive Pindi,
Vos morantur culmina:

Apollo. Qualis olim pulchriore
Castor emicabat ore;
Talis eminente vultu,
Talis elegante cultu,
Plenus artis atque Martis
Imperator emicat.

Huc adeste fronte lætâ;
Moxque culta per vireta,
Ferte gressum; quæ fluentis
Irrigare turbulentis
Gaudet Ister; sic magister
Nunc Apollo præcipit.

Musa. Qualis inter astra Luna
Pulchrior coruscat una;
Talis una florum
Inter agmen Gratiarum
Magdalena ter Serenâ
Fronte lucet pulchrior.

Ite remigante pennâ.
Quâ triumphat urbs Vienna:
Austriæque mite Numen
Juliaque dulce lumen
Hic amoris, hic honoris
Sancta jungunt fœdera.

Apollo. Mars amicus est Achilli,
Dextra fortis est Camilli:
Non minore fortis ausu,
Non minore prompta plausu
Tela jactat, arma tractat,
Dextra magni Cæsaris.

Flore crines implicate,
Suaviterque personate
Tibiisque buccinisque,
Barbitisque, cymbalisque,
Ter beata, ter sacrata,
Cæsarum connubia.

Musa. Ut Diana tela librat,
Ut Camilla spicula vibrat;
Sic Philippicam Lænam,
Juliamque Magdalenam
Perque capros & per apros,
Tela cernas spargere.

Vos decora conjugatæ
Dona Nymphæ prædicate:
Ipse plectro gratiosa,
Ipse metro gloriosa
Prædicabo, personabo
Dona magni Cæsaris.

Apollo. Si quod in Catone lumen,
Si quod in Platone flumen;
Illud omne Cæsar hausit,
Ut nec ipse Crassus ausit
Suavitate, lenitate
Cæsari contendere.

Apollo. Cæsar ortus ex amandis
Usquequaque Ferdinandis,
Ex Philippis, Fridericis
Ex vetustis Childericis
Stemmatisque, sanguinisque
Clara ducit Lumina.

Musa. Si qua mella Suavitatis
Dexteris bibere fatis
Læliæque, Mutiæque;
Juliaque, Claudiaque;
His abundat, & redundat
Magna mens Theresiæ.

Musa. Sponsa per Justinianos,
Perque Maximilianos,
Per Rudolphos, Fridericos,
Per Philippos, Ludovicos
Stemma gentis, dona mentis
Ducit alto tramite.

Apollo. Eja sufficit Camœnæ:
Nemo dignè Magdalenæ,
Cæsarisque mille dotes,
Quas stupebunt & Nepotes,
Prædicarit, æstimarit,
Plectra victæ ponite.



G. B. Doustati Sculpsit.

L. J. Bor. delin.

Laus prima rerum fecunditas.
 sine hac nec arva placent, nec arbores:
 imò nec ipse sibi potuit placere Deus:
 Hinc & intra se fecundus, & extra.
 Infelix nimirum & solum est, & solium; in quo regnat sterilitas:
 Contra & solo cultores, & solio Rectores comparat fecunditas.
 Quid hic moesta suspiras Germania?
 Occurrunt scilicet funesta, Merovingorum, & Carolidarum fata;
 à quorum stemmate infelix sterilitas transtulit sceptrum.
 Metuis, ne si Titus aliquis vacuum hærede thronum deferat;
 Novus se in eum particida Nero intrudat.
 Sed quisquis ille timor est; toto te liberat polus.
 Vides hinc coronatum papa veris verticem;
 inde floridis distinctam stellulis Cydoniam?
 Hæc cum aspicias, bina vides fecunditatis symbola;
 vides in iis adumbratos Augustos Conjuges
 LEOPOLDUM & ELEONORAM.
 Quam plantis amica Veneris, & Gratiarum manu affusi liquores;
 eandem Augustis conjugibus prolixi Dei, Divorumque favores spondent fecunditatem.
 Hinc utrique dabunt cum sanore fructum.
 Omen cape ex Augusta prosapia.
 Ex Elisabethâ Ameliâ Magdalena sedecim Principum Matre, quid gigni potuit;
 nisi Heroum & Imperatorum fecunda Berecynthia
 Eleonora Magdalena Theresia?
 Fecundæ arboris, non nisi fecundi solent esse surculi.
 Quot nempe papa ver grana, quod nucleos punica mala
 sub coronato claudunt cortice;
 tot favente polo, tot plaudente solo
 Augusti proferent digna coronis capita.
 Nunc ergo respira, infelix hactenus, Germania;
 & ora Cælitæ, ut diu servant hospites Augustos Conjuges:
 Ut pVBLICO bono, Ut IMPERII throno æqVos progignant præsidēs.

ΠΡΟΣΕΥΚΤΙΚΟΝ AD AUGUSTISSIMAM

Cæli Reginam

*Ut Augustorum Connubium speratâ fecunditate
recreare dignetur.*

Virgo parens & nata Dei; te prona sâLVtant
sIDera; Virgineo sVb peDe terra IaCet.
te penes IMperII prâgnantia fata tenentVr:
arbltrIo fLorent regna, CaDVntqVe tVo.
DIVa potens, hVCVsQVe tVo sVb nVMIne VIVVnt,
qVos Vasta antIqVI reVtonIs ora tenet.
et preCor, Vt tVtI pergant qVoqVe VIVere: VerVM
haVD poterVnt; nIsI tV, VIRgo beata, IVVes.
aspICE; reVtonlæ qVo gaVDent prâsIDe terræ;
regnat In AVson'o, sed sine proLe, throno.
Is tVLIt aCCensas Cæsar te prâsIDe tæDas;
LeVIt & eVersas bls sine LVGe faCes.
tæDa paLatInos en tertIa sVsCIplt Ignes,
arDet & ante tVos, passâVa VIRgo, peDes.
sInt sVper & saCro regnent è sangVIne natI;
In solIDo perstant regna fIDelsqVe graDV.
at nIsI tV fortes hæreDe beaVerIs VLnas;
nostra sVb Ignoto prInCIpe regna geMent.
forsan & has oLIM CVpIent InVaDere terras
gens tIbI, gens nato non satIs æqVa tVo.
qVIs tVnc pro nato, pro VirgIne Deferet arma
In phLegetontæos, blstonIsqVe greges?
sI DVLces patrI natos, proaVIsq, nepotes
DIVIno Dones robore, VIRgo, pares:
scMper erIt; Vestras qVI fortIter asserat aras,
DefensâqVe bonIs perCoLat Ipse sVIs.
saMa freqVens natIs sanCtI pIa gesta parentIs;
et parIter granDes rItæ LoqVerVr aVos.
taLIs In oDrysls IVIt pater, InqVlet, hostes;
taLIs In InfestIs pannonas arma tVLIt.
taLIs, Vbl fVso Cæsar reMeaVerat hoste,
VirgIneos orans astItIt ante peDes.
AVDIet hæC fortIs popVLIs narrantIbVs hæres;
et patre tentabit non mInor esse sVo.
et noVVs oDrysls lbt LeopoldVs In hostes;
VirgIneo referens barbara Dona thoLo.
spLenDeblt passIM saCratIs IgnIbVs ara,
oetIngana tIbI, passâVa VIRgo, tIbI.
hInC aDes, & patrIæ pLaCatIor aspICE Vota;
fæCVnDâqVe IVbe CæsarIs esse faCes:
qVæ tV- CVnqVe IVbes, præbet natVra IVbentI:
et VenIt aD IVssVs VItaqVe MorsqVe tVos.



Non omnis copia felix.

Refert, quid ferant arbores, quid gignant conjuges.
 Præstabilis fuerat Agrippinæ non parere; quàm parere Neronem.
 Nimirum est aliqua pejor sterilitate fecunditas:
 Nec claudabitur arbor, nisi quæ cum copiâ junxerit bonitatem
 Bonum omen! Regina Gentium Germania,
 Fecunditatem spondit amica Venus;
 Fecunditati Bacchus sociat Bonitatem.
 Vides amabili conjugio implicatam *vise ficulneam?*
 cogita dulci connubio sociatam Leopoldo Eleonoram.
 Ficus distentos saccharo folliculos, vitis refertos ambrosiâ botros;
 Plenos humanitatis & benevolentie promittunt Principes
 LEOPOLDUS & ELEONORA:
 Utrique nil nisi dulcia spondent.
 Dubitas? inspicere arborem & æstima fructum.
 Quid Leopoldo benignius? quid humanius Eleonorâ?
 Nihil hîc in vultu torvum, nihil amarum in verbis, nihil in moribus truculentum;
 Nullus hic rigor, nisi quem leges exigunt:
 Nulla severitas, nisi quam aliena flagitia extorquent.
 Ita hominibus imperant; ut imperia condiant humanitate.
 Certat in illis cum Majestate Comitatus, cum auctoritate affabilitas:
 Nec facillè dixeris, utra alteri palinam relinquat.
 Non difficiles in accessu, non morosi in congressu;
 Quam in titulis præferunt, eandem in vultu semper ostendunt serenitatem.
 Quid ex tam dulci speremus arbore, nisi amabiles fructus?
 Rudolphos & Ferdinandos, Fridericos & Maximilianos?
 Quorum illis ab alloquio vel è plebe repulisse quempiam, fuit piaculum:
 His affabilis in omnes pietas, vetus Tiri conciliavit encomium,
 ut dicerentur & essent
 Amor & delictum humani generis.
 Nimirum non potest arbor bona malos fructus facere Matth. 7. v. 18.
 nec a Viti ConIVges orbi glignere, nisi Congenitâ spectabiles Comitate prinCipes.

LEOPOLDI : ELEONORÆ
AUGUSTISSIMORUM CONJUGUM

*Mitis indoles & plenum humanitatis Imperium
ad lætitiā provocat Germanos.*

Gemat : scelestis si qua Neronibus
Subiecta tellus, sanguine civium
Foedè cruentatas per omnem
Stare videt patriam Catastas.

Tu verò, magno terra Tuistoni
Regnata quondam, gaude; & amabiles
Agrisque, muscosisque latè
Culminibus meditare plausus.

Qui namque sanctas Regni Alemannici
Tenent habenas; tam placidis rotant
Tot scepra dextris; ut benignos
Blanda suis dare jura natis

Ctedas parentes. Hic neque civico
Tabo rubentem barbarus objicit
Satelles hastam; nec cruentis
Tisiphone volitat per aulam.

Armata telis; sed viridantibus
Comas olivis cincta Benignitas
Ubique cum blandis amorum,
Cæsareâ volat æde, turbis.

Nil præter almos læta Favonios
Spirant sacrati pectora *Cæsaris* :
Theresa nil præter beatum
Cæsareo pluit ore nectar.

Quæ prima natos non trivialibus
Suscepit ulnis; hujc ego, seu fuit
De gente Nympharum decorâ,
Sive trium melior sororum

Aglaja; centum crediderim latus
Circum lepores; & faciles jocos
Stipasse; blandulosque Natis
Suaviter elicuisse risus.

Qui primus illis pocula miscuit;
Hunc & Deorum crediderim simul
Dedisse nectar, & remissos
Ambrosiâ locuplete succos.

Ortos beatis dixeris Insulis;
Quas flore compti semper inambulant
Veris nepotes; tam serenos
Ore vibrant radiante soles.

Hinc propter Istri flumina, Cæsari
Dum surgit Hymen tertius Austrio;
Tædasque rursus conjugales
Juliaci populantur ignes :

Augusta magnæ Regna Alemanniæ
Benignitatis fidere duplici
Perfusa, certatim decore
Lætitiæ fremuere plausu.

Nam Bruma, quamvis antè ferocior;
Mox gratiosis sponte Favoniis
Permulsit auras: nuptiales
Cum placidè incaluere tædæ;

Tunc ipsæ, quamvis jam properantibus
Vicina Capri sidera Cynthius
Urgeret instanter quadrigis;
Lacertamen meliore totum

Perfudit axem. Quin Satyros quoque
Faunosque vidi, dulcè sonantibus
Per regna sylvarum cicutis,
Calce leves thyasos rotundum

Gyrare in orbem: Cum Semelæius
Rhenique & Istri culmina, tigribus
Blandum capistratis, revivens,
Pampineos agitare aurâ

Stridente thyrsos. Tunc fluitantibus
Circum corymbis lætior amphoram.
Silenus exhaust, repandi
Terga super residens a selli.

Quin ergo, dum te non dubitabilis
Invitat æther; dum Satyri leves,
Fauni que subsultant; novoque
Ipsa fremunt elementa plausu;

Tandem joculam lætus amyctidem
Teuto coronas? quin saliaribus
Mensisque, grandibusque curas
Multiplices subigis diotis?

Io! per orbem protinus ambulet
Spumante prægnans amphora Massico:
Dic, *Magdalena*; dic, trecentis
Vivat, io! *Leopoldus* annis.



Ingens Imperii fulcrum, Benignitas:

Sed tamen infirmius, quàm ut tantam molem per se sustineat.
Facile illud in ruinam impellet hostilis impetus;
Nisi suam labanti columnam subjiciat Fortitudo.
Factum bonum! Germani.

Conjugales jungunt dexteras Leopoldus & Eleonora:
junctas ad sceptrum manus porrigunt Benignitas & Fortitudo.
Non potest esse ruinæ periculum, ubi à talibus fulcris sustinetur.
Leopoldi & Eleonoræ benignitatem orbis deprædicat;
Fortitudinem loquuntur acti de vitiis & hostibus triumph.

Quid enim? Leopoldus, quot gessit prælia, tot numerat victorias:
Quot habuit hostes, tot habet fortitudinis testes.

Eleonora, quot declinavit vitia; tot domuit monstra:

Quot virtutes possidet; tot erexit fortitudinis trophæa

Gemit sub victricibus illorum plantis calcata impietas,

Et per omnium vitiorum stragem victrix incedit fortitudo

LEOPOLDI & ELEONORÆ.

Quid non speremus ab illis?

• Nimirum manet, æternumque manebit

Et Fortunâ altius, & Invidiâ Romano-Germanici decus Imperii,

Dum in illorum humeris recumbet.

Imò si quando, Fatís sic jubentibus, humeros subtraxerint Augusti Atlantes;

Sanguinis & fortitudinis hæredes substituent Hercules.

Vadem habemus & vatem lepidissimum Deorum Vulcanum:

Cujus seu prælagio ingenio, seu ingenioso prælagio

Spei nostræ, fortitudinis suæ

Preludit in cunis novellus Hercules.

Ut sciremus; fortes creari fortibus;

Ex Peleo & Thetide, Achilles; ex Leopoldo & Eleonorâ Hercules: id est

Maximilianus I, Carolus V, & Leopoldus I.

Ad quorum vel audita solum nomina

et Del, et LVtis et ImperII hostes et XpaVes Cant.

HEROICA AUSTRIACORUM FORTITUDO

Inconcuſſum adverſus hoſtiles impetus

ſervat Imperium.

Mendaciorum prodigialium
Foecunda mater, Græcia; turgido
Quoſque conſictos erepabis
Ore Deos, vacuumque Numen?

Quid vana præter nomina; Phorcidos
Audax Medusæ victor Abantius?
Magnusque Achilles, & triformis
Bellerophon domitor chimærae?

Natura quas non progenuit feras;
Has nempe clavâ ſtraverit Hercules!
O vana nugantis cerebri
Somnia, ridiculoſque partus!

Si digna coelo nomina quærimus;
Habsurgicorum non dubitabiles
Faſtos revolvamus, Pelasge,
Et veteris monumenta famæ.

Hic magna belli fulmina, *Carolus*,
Et *Ferdinandus* ſuggeret Auſtria:
Hic ſe *Philippus*, quiſque noſtro
Vivit adhuc, *Leopoldus*, ævo

Claris revincti tempora laureis.
Ubique ſiſtent: & memorabiles
De gente Turcarum ſceleſtâ
Sponte tibi referent triumphos.

Hic auſpicatas propter Echinadas,
Coelo minantes Biſtonidum rates,
Favente Neptuno, *Philippus*
Æquoreis tumultabit undis.

Hic impiatos Lünigerum greges
Victorioſo *Carolus* impetu
Evertet, auguſtosque totam
Per Libyam ſtatuet triumphos.

Hic decolorem ſanguine Thracio
Fluxiſſe cernes Rabum; ubi Biſtonum
Adverſus injuſtas movebat
Arma potens *Leopoldus* iras.

Nunc ergo, ſi quos tradere poſthumæ
Sit cura famæ; non opus Hercule,
Fiſtisque Divis: ſola totos
Auſtriadum decora alta poſſunt

Implere faſtos. *Carolus* *Herculem*,
Et *Ferdinandus* *Perſea* pulchrius
Apud nepotes ſuſtinebit:
Sic patriis *Leopoldus* armis

Magnas *Achillis* veriùs exprimet,
Agetque partes: ſic in Iberico
Reſtore ſpectari Pelagus
Bellerophon poterit *Philippo*.

ô! quis Deorum donet, ut Auſtria
De ſtirpe cunas parvulus impleat,
Et Patre non minor quietcat
Cæſereâ *Leopoldus* aulâ?

Tunc nempe criſtas ambitioſior
Hoſtis remittens, fulminis aliti
Movere ceſſaret cruenta,
Marte gradum referente, bella;

Tunc & Biarmos, & furias truces
Feroſis Hunni; Tunc Othomannidum
Ridere ſecurè liceret
Fulmina, Biſtoniasque Lunas.

Quanquam quid hoc eſt; quodd ſuper aureas
Cunas tenellus luſtrat Hercules,
Et torva ſpirantes inermi
Stringit hydros, perimitque dextrâ;

Omen beatum! Teutonidæ: favet
Secundus æther: Nam mihi Mulciber,
Magnusque jam dixit Gradivus,
Dum tumidi modò propter Iſtri

Se ferret undas: Cùm reparaverit
Nonum coactis Cynthia cornibus
Orbem, ſerenatiſque tendet
Regna ſuper nebuſoſa bigis;

Tunc & ſecundo ſidere Julias
Implebit ulnas parvulus Hercules;
Tunc mentis hæredem paternæ
Auſtriaco recubare læti

Cernetis oſtro: qui placido Patrem
Secutus auſu, fulminis æmulos
Rotabit enſes; & cruentos
Marte premet, perimetque Thracas.



Sol princeps fiderum, Dei simulacrum est:
 Aquila regina volucrum, Leopoldi Imperatoris Symbolum;
 Leo belluarum dominus, Eleonora Augustæ inigne gentilitium.
 Magna est Aquilæ & Leonis in solem propensio;
 Magna Leopoldi & Eleonora in Deum religio.
 Solis ab alto splendentis lumen irretorto oculo intueri,
 aquila & leonis nativa proprietates est;
 Dei in Sacramento latentis Numen indefesso studio reuereri,
 Leopoldi & Eleonora hæreditaria pietas est.
 Hic illorum scopus est, in quem collinant studia:
 Hic illorum polus est, ad quem vertuntur desideria.
 In hujus laudibus illorum intellectus, in hujus amoribus consumitur affectus:
 & cum sint majores omnibus, illo se gerunt ubique minores.
 Hinc seu in arâ residet; assistunt ut supplices:
 seu in publicum procedit; sequuntur ut satellites:
 & vel pro sceptro facem præferunt;
 sive ut sceptri sui claritatem illi acceptam referant;
 sive ut spectantium corda in illius amorem accendant.
 Nec jam querere est Augustæ pietatis originem:
 est, ut dixi, hæreditaria;
 accepta à Majoribus, transitura ad posteros.
 Habuerunt illi Carolos & Rudolphos; Philippos & Wolffgangos;
 Habebunt posteri Leopoldos & Eleonoras
 authores vite, Magistros pietatis:
 Nec majora erunt generis, quam pietatis incrementa.
 Parentum exempla, sua nati reputabunt præcepta;
 & documenta dabunt, quæ sint ab origine nati.
 reviviscet in illis Philippi & Ferdinandi pietas;
 & cum pietate reflorescet regnorum felicitas.
 siquidem
 sacata regna, In quibus pietas & avita religio
 sceptra moderat.

A V I T A

Augustissimorum Conjugum
LEOPOLDI & ELEONORÆ
P I E T A S

Stabile Imperii firmamentum.

Audax Gigantum germen, Atheorum lues :
I, pervicaci fronte supremum nega
Regnare Numen: sancta sit pietas tibi
Fidesque ludus; perge, quò rapit furor,
Et per cruentas civium cædes atrox
Molire regnum; barbaram stipet frequens
Satelles aulam, & mille furiarum cohors.
Durare nequeunt regna, quæ fundat scelus.
Felix paternum tenuit Assyrius thronum,
Sceptrumque princeps; donec incescit minor
Deo, suumque retulit authori decus.
At cum superbus incidit menti furor,
Ut se Tonanti ferret æqualem; sui
Per arva regni, perque frondosum nemus
Mugire coepit inter hirsutos boves.
Sic Julianus sceptrum, sic tulit Valens,
Dum præpotenti Numini iustas dedit
Uterque laudes: ast ubi contra Deum
Jactare veritos ore blasphemus sonos
Coepere; meritis Nemesis ex alto tulit
Vtrique poenas. Inter ardentes rogos
Hic impiatum spiritum misit Stygi:
Hic, dum vibrato coelitus telo cadit,
Quem pernegarat, sensit invitus Deum.
Hanc nempe legem scripsit in cælo Deus;
Ut regna pereant, quæ Deo cultum negant:
Ut regna durent, quæ Deum piè colunt.
Ecquis Rudolpho sceptrum Germani dedit
Moderanda regni? quis per Albertos Duces,
Per Fridericos, perque magnorum dehinc
Seriem Nepotum, grande regnorum decus,
Contra impotentes hostium nîsus, tibi,
Leopoldæ, misit nempe quæ dedit patri,
Proavisque regnum; misit hæc eadem tibi
Servatque pietas. Vidit è cælo Deus,
Cum tu sacratâ nube velatum pedes
Sequerere Numen, proque regali facem
Sceptro rotares: vidit & placuit polus;
Quando ante magnæ Matris & Nati pedes
Prostratus, imum fronte verbebas solum:
Et ista cernens, dixit: hic orbem regat.
O vive Cæsar! vivat æternum thori
Thronique consors, dulce Juliadum decus;
Paresque patri gignat, & pares sibi
Pietate natos; nec tyrannorum minas,
Nec invidorum Teuto jam metuet dolos.
Quem nempe pietas firmat, & stabilis fides;
Durat, suoque perstat in gradu thronus.



Martis & artis magna cognatio;
 fortitudinis & scientiæ, necessaria est conjunctio.
 nec tantum præstat hasta præsidium; nisi à libro sumpserit consilium.
Geminis nimirum Martis & artis, fortitudinis & scientia rotis Regnorum salus vehitur:
 Alteram ab alterâ qui dividit, Regnorum gloriam evertit.
 Sic sensit Cæsar; sic uterque Scipio; sic quidquid fuit in Regibus magnum.
Magnus Alexander, Pompejus Magnus; Constantinus quoque & Carolus Magni;
 Sed dubites, litteris, an armis fuerint Majores.
 Sic litteris arma; sic armis sociabant litteras;
 Ut ostenderent, se utrisque pugnare, vincere, triumphare.
Magnos ut esse sciremus Augustos Conjuges;
Magnorum æmuli decertant cum Maximis
 De armorum & litterarum gloria.
 De armis quid attinet dicere?
 Loquantur illi, qui senserunt; Turcæ, rebelles, invidi:
 Rumpantur licet odio; debent porrigere palmam.
 Jam litteras non didicisse, sed cum lacte suxisse, dixeris:
 Adeo penè naturalis & quasi congenita est illis scientia.
 Quid philosophia vel veri speculatrix continet; quod fugiat Leopoldum?
 Vel morum distatrix præcipit, quod lateat Eleonoram?
 Ex eloquentiâ æstimabis cætera, quæ sine cæteris esse non potest.
 Leopoldum audis? loqui putabis Nestorem:
 Eleonoram attendis? audire te credes Christianam Palladem, novam Catharinam.
 Nec sceptri majus est, quàm eloqui in subditorum animos, Imperium.
 Quot populi imperant, tot loquuntur linguis;
 Et suo cuique idiomate jura decernunt:
 Ut intelligant populi, dum linguâ judicantur patriâ;
 se à patria parentibus judicari.
 Si ergo Plato beatam dixit rempublicam,
 in quâ philosophi regunt, & Reges philosophantur:
 quanto potiori jure dixerimus
 nata te Mpora, quibus præsentat Leopoldus & Eleonora.

AUGUSTI CONJUGES LEOPOLDUS & ELEONORA

Armorum & litterarum scientiâ

securitatem præstant Imperio.

Quisquis æterno sociare nexu
Palladem forti metuit Gradivo:
Ille nec Martem, nec amica novit
Palladis arma.

Palladis Mavors ope destitutus,
Est potens, verùm sine mente corpus;
Arcus est, verùm sine dirigente
Spicula visu.

Palladi Martem quoque subtrahamus;
Pinnulas pisces, volucrique pennas,
Et Pharetrato sua subtrahemus
Spicula Partho.

Palladis ductu sua tela fortis
Dirigit Mavors; ut agente clavo
Cymba per pontum ruit, & tumentes
Dividir undas.

Palladem Mavors juvat, & secundos
Ducit ad fines; ut agente nervo
Tela pelluntur, positamque tangunt
Parthica metam.

Regna qui soli moderanda Marti
Tradit; incautus dabit in pudendam
Sæpè, quæ lætâ viguere sorte,
Regna ruinam.

Palladi quisquis moderanda soli
Regna committit; malè destitutum,
Inter hostiles furias; dolebit
Viribus orbem.

Hasta Gradii, liber est rogatæ
Palladis telum; socient utrumque
Principes; tutum sociata præstant
Utraque regnum.

Euge; Germani moderator orbis
Neclibrum legnis; neque tractat arma;
Jam diu junctas meritis coronas
Martis & artis.

Quantus attollat *Leopoldus* hastam,
Nuper experti dedicere Thraces:
Cum suo tingi doliuere totum
Sanguine Rabum.

Quantus in doctæ stadio Minervæ
Libret augusto sacra tela nisu;
Jam Stagirææ stupuere sæpe
Regna palæstræ.

Namque seu *Veri* proprio tuendam
Marte sumpsisset *Leopoldus* arcem;
Sive jam *falsi* quateret severis
Moenia telis:

Sic per objectum sua torfit agmen
Tela; sic jactas repulit sagittas:
Ut triumphatos utrobique victor
Cerneret hostes.

Jam nec augustæ sua *Magdalena*
Tela vel Mavors, vel amica Pallas
Denegat; librum, paribusque torquet
Viribus hastam.

Testis est custos nemorum Diana;
Quæ manu Nymphæ cecidisse vidit
Sæpius cervos patulis vibrantes
Cornua ramis.

Testis Euterpe, facilisque Clio;
Diva solertes quibus inter ulnas
Nympha succrevit, roseoque suxit
Ubere nectar.

Nempe jam magni redeunt Platonis
Sæcla, cum Reges Sophiam frequentant,
Et Sophi dextrò moderantur omnem
Numine mundum.

Plaude ter felix Alemanna pubes!
Hostium nec te furiale robur,
Nec rebellantum rabies dolosâ
Subruet arte.

Si ruat sævo metuenda ferro
Bistonum pestis; *Leopoldus* hastam
Victor opponet, patriisque Thracas
Exiget arvis.

Si dolos centum meditetur Hunnus,
Cæsar & facti catus & futuri
Codicis ductu vetitas furentum
Detegat artes.



Maſti animis *Auguſti Coniuges.*
ubi (a) *Conſtantia & virtute res agitur;*

(b) *Fortunante Deo*

(c) *Tandem*

(d) *Vincit vim virtus.*

Fremat circum armata Rebellio,
& uno præciſo capite, nova pullulet fœcunda malorum hydra:

Tandem (e) *arctâ virtute ſuperabitis.*

Invadant regnorum terminos, quorum ambitioni (f) *Unus non ſufficit orbis.*
virtute duce etiam (g) *plus ultra* Regnorum terminos promovebitis.

Circumſtent barbara tela, & lunati Turcarum acinaces:

per tela, per enſes virtus viam inveniet;

& calcatis hoſtibus (h) *tramite recto* contendet ad palmam:

(i) *In via Virtuti nulla eſt via.*

Quæcunque demum vos vel fortuna premet, vel invidia;

dum virtutem (k) *Conſtanter & Sincere* colueritis,

optata ſemper aderit (l) *de cœlo victoria.*

Ite fidenter, (m) *quò fata trahunt & neceſſitas,*

Deo & Juſtitia arma veſtra ſerviunt; non ambitioni & avaritiæ.

Qui Deo pugnat, ſecurè dixerit;

(n) *Chriſtus meum aſylum:*

(o) *in Deo conſolatio mea.*

Qui Juſtitiam defendit; ne metuat:

p *juſtus non derelinquetur:*

q *juſtitia ſtabilitur thronus.*

Iraque veſtri (r) *nec ſpe, nec metu* frangantur animi:

ubi debita (ſ) *ſoli Deo gloria armorum ſcopus eſt;*

ibi (t) *Dominus providet.*

Si Deus pro nobis; (u) *quis contra nos?*

(x) *Omnia ex voluntate Dei & regna pendent & imperia.*

(y) *Adjuvante Deo Superabitis Invidorum Tela:*

(z) & Aquila Evadet Inimicorum Omnium Victri.

(a) Leopoldi I. R. I.

(b) Eleonoræ Aug. Rom. Imp.

(c) Philippi Wilhelmi C. Palat.
Rheni.

(d) Ludovici IV. Elect. Palat.

(e) Eliſabethæ Ameliæ Magdale-
næ Landgr. Haſſ.

(f) Francis II. Reg. Gall.

(g) Caroli V. R. Imp.

(h) Caroli Auſtriaci.

(i) Georgii Joan. Com. Palat.
Rhen.

(k) Joan. Caſimiri C. Palat.

(l) Friderici II. Elect. Palat.

(m) Alberti Archid. Auſtr.

(n) Philip. Ludovici C. Palat.
Rhen.

(o) Wolffgangi Wilh. C. Pal.
Rhen.

(p) Alberti IV. Ducis Bavar.

(q) Friderici C. Palat. Rheni.

(r) Philippi II. Reg. Hiſpan.

(ſ) Ernſti Archid. Auſtr. &
Georgii Guſtavi C. Pal. Rhen.

(t) Maximiliani II. R. Imp.

(u) Wilhelmi & Ludovici Duc.
Bavar.

(x) Rudolphi II. R. Imp.

(y) Ejuſdem A. D. S. I. T.

(z) Friderici III. R. Imp. A. E.
I. O. V.

AD REBELLES
Ut Augustorum Conjugum
LEOPOLDI & ELEONORÆ

*Clementiæ se dedant ;
aliàs victricibus Cæsaris armis perituri.*

Ergo Gigantæis immanior ausibus, Hunne,
Cæsareas etiam perges contempnere leges?
Et neque te iusti tanget reverentia sceptri;
Nec Regi juratus honos, neque iudice cælo
Jam toties promissa fides? ah! desine tandem,
Desine sacrilego nimium indulgere furori.
In Dominum sumptis quisquis surrexerat armis;
Infelix periit. JESSIDÆ perfida movit
Bella patri natus: sed mox vindicta nefandum
Insequitur Divina caput, quercusque pependit
Infelix spoliū; qui jam Regale parentis
Aususerat sperare decus, Regnumque pacisci.
Jam quid ego Helotas, dominam Lacedæmona ferro
Infestare ausos; positis sed denique telis
Infami cervice jugum tolerare coactos?
Quid, Malcolme, tuo suppressos ense Moravos?
Quid simili extinctas referam discrimine gentes?
Albet adhuc Germanus ager, sparsisque laborat
Ossibus Agricola; quem dira rebellio nuper
Jusserat in Dominum sumptis consurgere telis.
Scilicet hoc superi nunquam violabile fatum
Perfidia scripsere, suis ut denique telis
Occidat, & meritis pendat pro crimine poenas.
Et tu, crede mihi, commissa piacula solves,
Hunne ferox; nisi colla tuo submittere Regi
Mitior inclines. Vidi jam fulmina cudi
In dirum ferienda caput. Nect tela Tonantis
Vitavit Capaneus, nec demens turba Gigantum.
Nec tu, Lernæa quamvis immanior hydræ
Tercentum capita attollas, totidemque revulsis
Tot nova succrescant; certæ te Numinis iræ
Eripies. Quam sacra tuis altaria flammis
Diruta, & innocuo stagnantes sanguine campi
Vindictam exposcunt; tandem scelerate subibis.
Aspicias? Austriacus dextro modo Numine clavam
Sustulit Alcides, atque in tua funera librat.
Quid facis? ah demens! nisi justam Cæsaris iram
Flexeris obsequio, nec te Fortuna tueri,
Si velit, ipsa potest, certoque absolvere fato.
Ergo tui tandem, tandem miserrere tuorum:
Et, quæ tela furor dederat, depones; tuique
Regis in obsequium, post tot miseranda tuorum
Funera, sponte redi. Quorsum, cum vivere possis;
Sponte perire voles? ah cæcum pone furorem,
Et Domino Te redde tuo, supplexque paternas
Accipe, quas offert Cæsar cum Conjuge Leges.



Alternant omnia;

Læta cum tristibus, adversa cum secundis.

*Quàm fœda bellorum tempestas jam dudum concussit Imperium?
Ferales lunæ, tormentorum tonitrua, telorum grandines, imbrēsque sanguinei
ultima Germaniæ fata minitari videbantur.*

Sed dedit Deus his quoque finem.

Quam nostra induxerant scelera.

Tua, Leopolde, pietas & fortitudo dispulit bellorum tempestatem.

Sine te esset: jam dudum sub alieno jugo captiva gemeret Germana libertas;

Testis Rarus, ubi fregisti lunata Orhomannidum agmina:

Testis Hungaria, ubi contudisti rebelliam contumacis Hydræ capita:

Testis Rhenus, ubi ab injusta servitute Philippopolim vendicasti.

Agnoscat grata, agnoscatque, dum stabit, Germania:

& jam pridem promeritos servatori adornasset triumphos;

nisi TV maluisses novos hostes vincere; quàm de victis triumphare:

ut sic multiplicatas palmas divideres cum consorte.

Bene est, Leopolde: aspirant votis sidera.

Adest modò & thori consors & Imperii ELEANORA MAGDALENA THERESIA.

Noli differre triumphos, quando adest, tibi paritura triumphatores.

Ecce in Augustos amplexus sponte properat amicus Mavors,

Non jam Furore, ut olim, & Tyrannide; sed Pace stipatus & Cerere:

Pro gladio & hasta, viridem prætendit dextera palmam;

Pro falcatis curribus, triumphalem tibi currum ostendit.

Porrigere Augustam, Leopolde, dexteram, & palmam accipe;

est hæc victori debita merces.

Absterge belli pulverem, & currum triumphalem conscende;

Et qui triumphis socios, Romanorum ritu, non potes habere filios;

habe filiorum Matrem

Eleanoram Magdalenam Theresiam.

Nos interim triumphantibus læti acclamabimus:

VIVANT triumphent orbis & æVI DeLICIAE

LEOPOLDUS & ELEANORA.

EPINICION

Augustissimo & Invictissimo

IMPERATORI. LEOPOLDO

Ob sæpius devictos feliciter hostes.

Tandem, quod olim sæpe rogaveras
Germane, Divos; accidit: hostium
Subiecta Germano laborant
Colla jugo; facilemque poscunt

Post arma pacem. Dux Othomannidum
Jam ter subactus Teutonico dedit
Palma Monarchæ; ter secundo
Marté feri cecidére Thraces.

Quidense possit Teuto; Rebellium
Jam turba sentit: dum lacrymabili
Urbesque, florescentesque campos
Mœsta videt periisse fato.

Quid sit cruento Marte laceßere
Dilecta Divis Regna Alemannidum;
Gustavus & ferro minores
Teutonico didicére Sueci.

Jacent & enses sanguine Noricos
Tinxére Daci; vidimus hostium
Crimore foedatum recenter
Sæpius erubuisse Rhenum.

Io! decoris tempora protinus,
Germana pubes, cingite laureis:
Io! triumphales per omnem
Teutonium statuantur arcus.

Vicina læto saxa remugiant
Percussa plausu: tympana, buccinæ,
Tormenta, bombardæque festos
Ter repetant per inane bombos.

Recente spument pocula Libero,
Novumque pangat Lesbia barbitos
Carmen; coronatasque ducant
Ad numeros pueri choreas.

Jam, qui Bootæ fidere frigido
Torquentur hostes, sponte Alemannicos
Fasces adorabunt, novoque
Grande ferent Domino tributum.

Jam Thrax & atrox Bistonidum lues
Germana supplex scripta verebitur,
Armisque projectis rogabit
Ferre tuas, *Leopoldæ*, leges.

Sic, quæ Gradivi jam furialibus
Equos flagellis torva per Hungaros
Urgebat agros; dum cruentis
Sponte caput spoliaret hydrys;

Bellona dixit. Jamque ego Thracio
Ex orbe Martem promeritas diu
Palmas, triumphalesque vidi
Ferre tibi, *Leopoldæ*, currus.

Jam, quæ citatis vecta draconibus
Germana nuper Regna reliquerat;
Eleusis inverso spondit
Teutonicas peragraré rursum

Temone terras; Jam, resonantibus
Quæ nuper armis territa fugerat;
Pax alma Germanos fereno
Instituit recreare vulu.

Odulce mundi Teutonici decus,
Lumenque, Cæsar: quis meritum tibi
Pæana vates; quis sat æquos
Voce canet, citharæve plausus?

Non, si relicta Phocide Delius
Cum dedicato Castalidum choro
Nervosque distendat; fidesque
Percutiat meliore plestro;

Te digna promat. Tu miserabili
Fato ruentem sæpe Alemanniam
Cervice subiectâ reponis
Marmarico potior Tyranno.

Tu, cum trecentis cincta furoribus
Et hinc & illinc Regna ferocius
Bellona discerpit: scelestos
Ense premis, reprimisque nifus.

Quod nempe vivit Teuto; quod hostium
Furore major latius imperat:
Id munus acceptum fatetur
Esse tuæ, *Leopoldæ*, dextræ.

Hinc, dum citatis Cynthia curribus
Per astra tender: dicet: amabilis
Cæsar triumphet, & perennet
Per Pylios Leopoldus annos.



Arcum & animum si nimium distenditis; perdes:
Utrique, si justam per intervalla quietem concesseris;
Accedet major post otia virtus.
Est hæc mortalium conditio, ut alternâ quiete gaudeant:
Hæc qui se egere non existimat; oblitus est, esse se mortalem.
 Augusti conjuges, Maximi Cæsares
 LEOPOLDE & ELEONORA,
 Qui vos mortalibus præfecit; reliquit mortales;
Communi lege nati, communem accepistis quietis necessitatem;
Tantò majorem, quantò major vobis curarum moles incumbit.
Dum orbem regendum suscepistis; par orbi pondus in vos transtulistis;
Onus nullum gravius sceptræ & coronæ:
hæc qui suscipit; omnium subditorum sibi curas imponit.
Ut ne tantâ sub mole fatiscant Augusta pectora;
Iurat quandoque remitti,
Et pondus, quod omnino deponi non potest; mutari cum Leviori.
Sic clavum Hercules, sic pharetram cum citharâ mutabat Achilles,
solvebâtque graves sumptâ testudine curas.
Vobis si cithara displicet; aliud curarum remedium suggerit Diana,
Et longa bellorum tædia solari jubet letiore cum bellis bello.
 Divinum divæ consilium?
 Nimirum ut Aquilarum & Leonum, sic Augustarum mentium ludus est, Venatio.
 Hac curas frangebant Alberti, Maximiliani, & Ferdinandi Austriaci;
 Hac animos reficiebant Alexandri, Wolffgangi & Philippi Palatini.
 Displicere non potest; quod majoribus, quod Vobis semper placuit,
 Severioris militiæ jucundum finè noxa rudimentum.
 Nimirum cum in sylvis Austria, cum in saltibus Julia
 Quot tela mittebatis, tot sternebatis feras;
 Diana coram spectatrix aderat.
 Hinc pharetram præfens, hinc porrigit arcum non ineruditis dexteris.
 Accipite Divæ munera; & in iis curarum remedia, virium incrementa.
 Vt pro nostro Voto, pro pUBLICO bono, DIV præesse possitis Imperio.

AUGUSTI CONJUGES

*Post Regnorum & bellorum curas invitantur
ad venationem.*


Eja Cæsar alme, duras
Rumpe lætâ forte curas:
Et peractis mille bellis,
Expedita tot procellis
Verte vela, pone tela,
Pone finem præliis.
Eja mundi spes amoena,
Imperatrix Magdalena,
Post tot arduos labores,
Postque Martios furores
Te quietis atque lætis
Da subinde gaudiis.
Eja regni mole pressi,
Eja durâ forte fessi,
Ite læti, quod Diana
Rura propter Martiana
Vos vocavit & citavit
Adjocosa præliâ.
Hic ferociente bello
Aut Hylæstor, aut Aëllo
Nunc minace dente capros,
Nunc furentes urget apros;
Et palato delicato
Grata sternit prandia.
Ite; namque grata bella,
Blanda Baucis & Thyella,
Et Lycaste cum Lycori,
Et Pherusa cum Pelori,
Apparavit; & locavit
Mille cervis retia.
Ite; namque jam Deorum
Turba læta rusticorum,
Nempe Panes atque Fauni,
Derelicto rure Dauni
Advolarunt & pararunt
Mille vobis gaudia.
Perstrepenste Pan cicutâ
Metra pangit: hæc acutâ
Aure quando Faunus audit;
Dulcè ridet, atque plaudit:
Et Napæas ad choreas
Hymnidesque provocat.

Hic sub umbrâ, sive Dio,
Cum camœnis alma Clio,
Gesta magni Ferdinandi,
Et Philippi, voce grandi
Personatque, provocatque
Ad Patrum vestigia.
Talis olim, dicit, hastâ,
Sive telo, sæpe vasta
Monstra stravit Ferdinandus;
Quique sæpe nominandus
Est Iberis, & severis
Allemanis Carolus.
Sic Philippus ora gessit,
Quando cervos ense pressit:
Talis olim Fridericus,
Talis ibat Ludovicus;
Cum machærâ, vel severâ
Fixit hastâ bubalos.
Ergo Patres æmulati,
Ite fortes & citati;
Quâ ferarum turba grata,
Regna Sylvæ delicata
Pervagatur, & jocatur
Gratiosis saltibus.
En, Diana blandularum
Cum cohorte Gratiarum
Præstolatur; ut venire
Et beata mox subire
Hymnidumque Najadumque
Annuat agmina.
En, Melampus ore largus,
Et Molossus & Podargus
Suisq. mordet ore lora,
Et solutus, in decora
Saltuumque Montiumque
Gessit ire culmina.
En, Lycisca, Vertagusque,
Harpalusque, Pamphagusq.,
Inque cervos, & capellas,
Inque damulas tenellas
Ore miras spirat iras:
Ite Magni Conjuges.


AD * L E C T O R E M.

Causa sera gratulationis.

sClre pLaCet, thetIDos CVr post ConnVbIa faCta
serIVs appeLLant, tVrba beata, DII:
ut VIa Longa sat est, & filgora DIra reportans
brVMa, profeCtVrls non satis apta sVlt.
InsVper, ætæro qVI Dona parabat In antro,
DebVlt effraCto LentIVs Ire peDe.







220 147

U. F. B. 172

Special 90-B
oversize 16972

